

ՍՏԵՓԱՆԱԿԵՐՏ, 24 սեպտեմբերի (ՏԱՍՍ-ի թղթ.): Անշափ ծանր վիճակ է ըստեղծվել Լեոնային Ղարաբաղի գյուղատնտեսության մեջ: — Վառելիքի բացակայության հետևանքով տնտեսություններում դադարեցված է խաղողաքաղը, որի պետական պատվերը թերակատարվել է 60 տոկոսով: Եթե շրջափակումը շարունակվի ևս տասը օր, կկորչի առատ բերքը, — ասում է ԼՂԻՄ-ի ագրոարդի նախագահ Լ. Պետրուզանը: — Էլ ավելի վատ է

## ԼՂԻՄ. ՎԻՃԱԿԸ ԾԱՆՐ Է

վիճակը հանրային անասնապահությունում: Մենք հասցրել ենք ստանալ խտացված կերի կիսամյա ֆոնդի միայն մեկ տասներորդը: Անասունները երկրորդ շաբաթն է, ինչ չեն կերակրվում, խոզապահական համալիրներում սկսվել է անասունների արտադրանային սպանդը: ԼՂԻՄ-ի շրջափակումը վրձասներ է հասցնում նաև հենց Ադրբեջանի ժողովրդական տնտեսությանը: ՏԱՍՍ-ում

Կիրովաքաղի մսի կոմբինատի ղեկավարներից տազնարայի հեռագիր է ստացվել ինքնավար մարզից մսի, հատկապես խոզի մսի թերամատակարարումների մասին: Մինչդեռ հենց Կիրովաքաղում մի քանի օր առաջ բազմահազարանոց ամբոխը կանգնեցրեց և Ստեփանակերտ վերադարձրեց բեռատարների բանակային շարայունը, որը զինվորական պահեստներ էր ուղևորվում վառելիքի համար:

Փաստորեն փակ է ավտոտրանսպորտի մուտքը մարզ, երրորդ շաբաթն է Ստեփանակերտ չեն հասնում մարդատար և բեռնատար գնացքները: Այս պայմաններում ԼՂԻՄ-ի բնակչության կենսապահովումը ստիպված է իր վրա վերցնել ռազմափոխադրական ավիացիան: Սեպտեմբերի սկզբից այն փոխադրել է ավելի քան 250 տոննա պլյուր, ավելի քան 50 տոննա պարենային և 30 տոննա արդյունաբերական ապրանքներ, դեղամիջոցներ և այլ կարևոր բեռներ: